



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apotheca Spiritvalivm Pharmacorvm Contra Lvem
Contagiosam Aliosqve Morbos**

Wichmans, Augustin

Antverpiae, 1626

Aprilis.

urn:nbn:de:hbz:466:1-9653

vnius principis possit apud subditos pietas, docuerunt nos olim Constantini, Theodosij, Tiberij, Honorij, Stephani, Ethelredi, & non pauci hodie, in Orbe nuper noto, Reges.

A boue maiori, dicit arare minor.

Et si forte prius ex timore: superueniens tamen postea amor, hunc expellit; & voluntarium facit, quidquid ante erat minus tale.

Moritur autem S. Gumtramnus, iuxta Sigeberti calculum, anno Christi 597. sepultus in Basilica S. Marcelli, quam in suburbano Cabillonensi erexerat. Estque Cabillonum, vel Cabullinum, & nunc Catalaunum, oppidum Heduorum, inter Celtas ad ripas Araris fluuij, Matisconæ finitimum, in prouincia Lugduensi, Ducatu Burgundiæ, & Francorum regno situm, vulgo, Chalons sur la saone. ita Catolus Stephanus in dictio Geographico.

A P R I L I S.

Octauo Idus Aprilis.

6.
April.

Constantinopoli B. Lutychij eiusdem ciuitatis vide cap.
Episcopi, qui apud Deum pro commissione sibi ^{25. Apot.} Spir. fol.
grege intercedendo, a grassante contagione cum ^{142.}
suis precibus liberauit.

Plura his similia exempla in Apotheca mea sparsim protuli, è quibus patet quām grata & efficax sit apud Deum superiorum pro subditis deprecatio, cum eam sic Deus soleat exaudire. Et certè teneri superiores Ecclesiasticos, etiam extra casum huiusmodi necessitatis, pro suis subditis quandoque orare, patet ex Concilio Trident: Præcepto diuino omnibus qui animatum cu- ^{Sess. 23.} ram gerunt mandatum est, pro suis ouibus sacrificium offerre. Vnde de refor- quidam probabiliter deduci putant, Missam parochiale in festis ^{c. 1.} & Dominicis diebus, debere per Pastorem aut alium pro populo fieri. Quod an de primario sacrificij fructu intelligendum veniat, ut hic scilicet subditis applicari debeat, vide Suarez & Regium in tract. de Sacrificio Missæ. Certius est, cum saepius teneri pro eis orare & quandoque sacrificare, nam ut inquit Apostolus: *Omnis Pontifex ex Heb. 5. homi-*

C.

hominibus assumptus, pro hominibus constituitur in his que sunt ad Deum, ut offerat dona & sacrificia pro peccatis; id est, ut causam hominum apud Deum agat, tamquam mediator eorum, pro eisque oret & interpellat, orationibus & sacrificijs Deum placet & reconciliet.

Decimo Octavo Kalend. Maij.

^{14.}
April.

Schidami in Hollandia B. Liduinæ virginis, quæ ægritudines varias easque grauissimas miro patientiæ exemplo annis triginta octo sustinuit.

Huius virginis Hollandicæ in Apotheca mea inter sacras Tutelares non memini, quia eam pro tali habendam tum ignorabam: sed postmodum instruxit me & pro ea locum postulat in Fastis suis Belgicis, R. D. Aub. Miræus, qui ad diem 14. Aprilis ita scribit: *Ossa piissimæ virginis Albertus & Isabella Belgarum Principes, Schidamo Hollandiæ oppido, Bruxellam secretò transferenda curarunt, ne à Calvinianis violarentur. De qua translatione extat diploma Matthiae Houij Mechliniensis Archiepiscopi, quod ibidem adtextitur; ac post illud, hæc subiungit: Dicta B. Liduinæ ossa, argenteæ arcæ inclusa, in suo oratorio domestico, Serenissima Isabella Clara Eugenia Hisp. Infans adseruat: ex quibus os vnum prægrande, Crucis argenteæ, ac vitro cristallino inclusum an. 1616. ab eadem Infante, eiusque marito Alberto Pio, per me Aub. Miræum, dono misum est illustri nobilium virginum Canonicarum Collegio Montensi in Hannonia (quæ vrbs lue tunc pestilenti laborabat) & die 14. Septemb. collocatum ibidem in basilica S. Walde-trudis, per Henricum Franciscum Busignum Abbatem S. Dionysij, vniuerso Clero, Senatu ac populo comitante. Nec pietati merces defuit; cessante nimirum ex eo tempore epidemia, haec tenus Miræus. Ex quo patet, non solum per reliquias S. Macarij, sed & B. Liduinæ, à memorabili illa epidemia Montenses anno 1615. & 1616. fuisse liberatos, sollicitam curam pro subditis suis, Principibus nostris agentibus. Neque enim Princeps noster solummodo ciuium Montensem Comes est, sed & Collegij Canonicarum virginum Abbas, Judex, & Aduocatus.*

Habuit autem Schidami intra parochiale Ecclesiam B. Liduinæ facellum.

facellum per honorificum, in qua, historia vita eius depicta cernebatur, atque in conuentus Sororum S. Francisci, altare consecratum versus occidet nitem, eo in loco ubi lecto decumbens, Deo in hac vita seruissse fertur. verū per tumultus Belgicos, omnia nuper euerfa sunt. Est verò Schidamum oppidum Hollandiæ, à Schia amne dictum, ad primum lapidem à Roterodamo situm; ubi egregia nauium pectoriarum, & negotiationis halecariæ statio est.

Decimo Kalend. Maij.

22.
April.

Anastasiopoli S. Theodori Episcopi, miraculorum gloria celeberrimi, qui homines & iumenta à peste sèpius curauit. Vide cap. 27. Apot. Spir. fol. 149.

Hic est ille celebris Archimandrita cognomèto Sicæota, cuius acta sincerissime scripta à Georgio eius discipulo recitat Metaphrastes, ex quo ea habet Surius hac die. quem tu vide.

Tertio Kalend. Maij.

29.
April.

Romæ S. Catharinæ virginis Senensis, Ordinis S. Dominici, vita & miraculis claræ, quam Pius secundus in Sanctarū virginū numero adscripsit. Vide cap. 48. Apot. Spir. fol. 240.

Acta eius nobilissima scripsit B. Raimundus Capuanus Ordinis Prædicatorum Magister, agitque de eadem pluribus S. Antoninus. Vnicum verò quod sciam Monialium Ordinis Dominicanorum Cœnobium in Brabantia haec tenus extat, Audergemium scilicet ab Aleide Henrici III. Brabantia Ducis coniuge extactum, milliari uno à Bruxella distitum, haud procul à Rubra valle Canonorum Regularium celebri Cœnobia.

Exemplo huius sanctissimæ virginis stigmatibus Christi insignitæ, etiam plures Belgicas virgines stigmaticas habemus, ut B. Brigidam Hollandam teste Antonio senensi, quæ floruit anno 1390. B. Gertrudem Oistensem, & B. Liduinam Schidamensem, de quibus Miræus in Fast. Belg. 1. Augsti, & nos supra.

C 2

Quinto

3.
Maij,

Quinto Nonas May.

In Monasterio S. Mariæ de la Cruz, in Hispania,
 Natalis gloriosæ virginis Ioannæ de la Cruz,
 quæ postquam miraculosas indulgentias, etiam
 contra pestem, è celo impetrasset, ab Angelo vo-
 cata, inter passionis Dominicæ lectionem, ad
 sponsum euolauit.

Vitam huins virginis scripsit P. Cornelius Thielmans, in
 qua pulcherrima lectu, & stupenda supra infirmum illum
 sexum, reperies. Per virtutem benedictorum granorum,
 plurimi sèpè à peste liberati fuerunt, atque in primis Anna
 de Lero, vti narrat idem author; cuius librum, quia ubique prostat,
 tu vide. Illud notabile de hac virgine refertur, quod 3. die Maij sic
 nata, 3. item die Maij per professionem Deo renata, 3. denique die
 Maij per mortem mundo denata.

M A I V S.

Septimo Idus Maij.

9.
Maij.
Vide cap.
19. Apot.
Spir. fol.
115.

Gandaui eleuatio S. Macarij Antiochenæ sedis
 Archiepiscopi, virtutibus & miraculis clari, qui
 sua morte, Deo iam placato, pestiferum ignem
 in eadem ciuitate restinxit.

Quamuis hic celeberrimus contra pestem Tutelaris diem or-
 bitus sui habeat 10. Aprilis, quo & passim in Martyrologijs
 commemoratur; visum tamen fuit eum hoc die ponere,
 quando Gandaui an. 1067. corpus eius omnino integrum
 eleuatum fuit à Balduino Notiomensi, & Lierberto Cameracensi
 Episcopis, Philippo Francorum rege, Balduino Insulano Flandriæ
 Comite, eiusque filio Balduino Comite, & alijs proceribus adstan-
 ribus: celebraturque Gandaui celebrius hæc dies eleuationis, quam
 depofit